

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TISA

KIKAO CHA TANO

13 NOVEMBA, 2017



ORODHA YA SHUGHULI ZA LEO

MKUTANO WA TISA

KIKAO CHA TANO – TAREHE 13 NOVEMBA, 2017

I. DUA:

II. MASWALI:

OFISI YA WAZIRI MKUU:

54. MHESHIMIWA RITTA ENESHER KABATI
(VITI MAALUM):

Atamuuliza Mheshimiwa Waziri Mkuu:- Serikali ya Tanzania ilisaini Mkataba Namba 189 wa Shirika la Kazi Duniani (ILO) tangu tarehe 16 Juni, 2011 na Rais mstaafu Mhe. Dkt. Jakaya Kikwete alishawahi kutamka kuwa Tanzania haina tatizo na Mkataba huo:-

Je, kuna kikwazo gani kinachokwamisha kuridhia Mkataba huo wa ILO Namba 189 wa kazi za staha kwa Wafanyakazi wa majumbani wakati Baraza la Wafanyakazi (*LESCO*) limeshapendekeza kuridhia.

OFISI YA RAIS (TAMISEMI):

55. MHESHIMIWA EZEKIEL MAGOLYO MAIGE (MSALALA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Jimbo la Msalala kwa kusaidiana na Mbunge wao wameanza ujenzi wa Vituo vya Afya vya Bugarama, Mega, Ngaya na Isaka na miradi hiyo ipo katika hatua nzuri:-

- (a) Je, Serikali imejipangaje kusaidia miradi hiyo ya ujenzi wa Vituo vya Afya;
- (b) Je, Serikali imejipangaje kukamilisha maboma zaidi ya 28 ya Zahanati kwenye Vijiji mbalimbali Jimboni Msalala.

56. MHESHIMIWA ESTHER NICHOLAS MATIKO (TARIME MJINI):


Atamuuliza Mheshimiwa Waziri wa Nchi, Ofisi ya Rais (TAMISEMI):- Kufuatia utoaji wa Elimu ya Msingi bure, Shule za Msingi na Sekondari ndani ya Halmashauri ya Mji wa Tarime zimekuwa na upungufu mkubwa wa madarasa na madawati, hadi kufikia Walimu kulazimika kufundishia chini ya mti na Wanafunzi walio madarasani wanakaa kwenye sakafu kwa idadi kubwa kinyume na matakwa ya Sera ya Elimu:-

Je, ni nini mpango wa Serikali wa kuhakikisha shule hizo ndani ya Halmashauri ya Mji wa Tarime zinaondokana na changamoto za miundombinu ya kufundishia na kujifunzia ili kutoa elimu bora.

OFISI YA RAIS (UTUMISHI NA UTAWALA BORA):

57. MHESHIMIWA KABWE RUYAGWA ZITTO (KIGOMA MJINI):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Serikali ya Awamu ya Tano imekuwa mstari wa mbele kupambana na ufiisadi kiasi cha kumwagiwa sifa Duniani; na moja ya silaha kubwa dhidi ya rushwa ni uwazi:-



Je, ni kwa nini Serikali ya Awamu ya Tano imeamua kujiondoa kwenye Mpango wa Uendeshaji wa Serikali kwa Uwazi (OGP).

WIZARA YA MIFUGO NA UVUVI:

58. MHESHIMIWA MOSHI SELEMANI KAKOSO (MPANDA VIJIJINI):

Atamuuliza Mheshimiwa Waziri wa Mifugo na Uvuvi:- Wavuvi wadogo wadogo wa Ziwa Tanganyika wana tatizo la vitendea kazi:-

Je, ni lini Serikali itawapatia Wavuvi hao vitendea kazi vya kutosha.

WIZARA YA NISHATI:

59. MHESHIMIWA SHAMSA AZIZ MTAMBA (VITI MAALUM):

Atamuuliza Mheshimiwa Waziri wa Nishati:- Katika Mkoa wa Mtwara kuna tatizo kubwa la kukatika kwa umeme mara kwa mara jambo ambalo linaathiri Wananchi ikiwemo Wafanyabiashara ambao wanategemea sana umeme na hivyo kusababisha wakati mwingine biashara hizo kuharibika na kuwasababishia hasara Wananchi hao:-

Je, ni lini Serikali itawahakikishia Wananchi wa Mtwara kupata umeme wa uhakika.



60. MHESHIMIWA GODFREY WILLIAM MGIMWA (KALENGA):

Atamuuliza Mheshimiwa Waziri wa Nishati:- Tatizo la umeme bado ni kubwa licha ya jitihada kubwa zinazofanywa na Serikali:-

Je, ni lini Serikali itatatua tatizo hili na hatimaye kuvipatia umeme Vijiji vya Kiperu, Lupalama, Itagutwa, Ikungwe na Lyamkungwe.

WIZARA YA MAMBO YA NDANI YA NCHI:

61. MHESHIMIWA ALMAS ATHUMAN MAIGE (TABORA KASKAZINI):

Atamuuliza Mheshimiwa Waziri wa Mambo ya Ndani ya Nchi:- Sekta binafsi ya ulinzi ilianzishwa mwaka 1980 ikiwa na Kampuni mbili tu na ikiwa haina miongozo yoyote:-

- (a) Kwa kuwa sasa sekta hii ina Kampuni zaidi 850 nchini kote, Je, ni lini Serikali italeta Sheria ya Sekta Binafsi ya Ulinzi ili pia kuanzisha mamlaka ya sekta binafsi ya ulinzi;
- (b) Je, Ofisi ya Inspekta Jenerali wa Polisi (IGP) ina mpango gani wa kushirikiana na Chama cha Sekta Binafsi ya Ulinzi ili kuimarisha ulinzi wa raia na mali zao.

62. MHESHIMIWA SEBASTIAN SIMON KAPUFI (MPANDA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Jitihada za Wananchi kukaa katika maeneo yaliyopimwa zinakabiliwa na changamoto ya malipo ya shilingi 150,000/- ambayo ni kodi ya zimamoto pale wanapotaka kupimiwa ardhi:-

Je, Serikali ina mpango gani wa kufuta kodi hiyo ili kupunguza ongezeko la makazi holela.

WIZARA YA MALIASILI NA UTALII:

63. MHESHIMIWA MWANNE ISMAIL MCHEMBA (VITI MAALUM):

Atamuuliza Mheshimiwa Waziri wa Maliasili na Utalii:- Mkoa wa Tabora umepata usafiri wa uhakika wa Ndege ya ATCL na kwa kuwa Tabora ina historia mbalimbali na kumbukumbu za mambo ya kale:-

Je, Serikali ipo tayari kuutangaza Mkoa wa Tabora kwa utalii.

WIZARA YA UJENZI, UCHUKUZI NA MAWASILIANO:

64. MHESHIMIWA JOHN JOHN MNYIKA (KIBAMBA):

Atamuuliza Mheshimiwa Waziri wa Ujenzi, Uchukuzi na Mawasiliano:- Eneo la hifadhi ya barabara ya Morogoro katika Jimbo la Kibamba ni pana kuliko barabara kuu nyingine nchini na inaingia katika makazi ya asili ya Wananchi:-

(a) Je, ni lini Serikali itawalipa Wananchi fidia kwa ardhi ya asili ya tangu kabla ya Uhuru ambao walihamia wakati wa Vijiji vya Ujamaa;

(b) Je, ni lini Serikali itawasilisha Muswada wa marekebisho ya Sheria husika ili eneo la hifadhi ya barabara liwiane na barabara kuu nyingine nchini.

**65. MHESHIMIWA FELISTER ALOYCE BURA
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati wa Kampeni za Uchaguzi Mkuu mwaka 2015 aliyekuwa mgombea urais kupitia tiketi ya CCM Mhe. Dkt. John Pombe Joseph Magufuli aliwaahidi Wananchi wa Kongwa na Mpwapwa kujenga barabara ya Mbande – Kongwa – Mpwapwa kwa kiwango cha lami:-

Je, ni lini barabara hiyo itaanza kujengwa.

WIZARA YA MAJI NA UMWAGILIAJI:

**66. MHESHIMIWA SEIF KHAMIS GULAMALI
(MANONGA):**

Atamuuliza Mheshimiwa Waziri wa Maji na Umwagiliaji:-

Je, ni lini Serikali itaamua kubadili mita zote za maji ili Wananchi wanunue maji kwa mfumo wa *unit* wao wenyewe kama ilivyo kwenye umeme.

WIZARA YA KATIBA NA SHERIA:

67. MHESHIMIWA JUMA SELEMANI NKAMIA (CHEMBA):

Atamuuliza Mheshimiwa Waziri wa Katiba na Sheria:-

Je, ni lini Serikali itajenga Mahakama ya Wilaya ya Chemba.

III. HOJA ZA SERIKALI:

WAZIRI WA FEDHA NA MIPANGO:-

Kwamba, Bunge lipokee, kujadili na kushauri kuhusu Mapendekezo ya Mpango wa Maendeleo wa Taifa unaokusudiwa kutekelezwa na Serikali pamoja na Mwongozo wa Kuandaa Mpango na Bajeti ya Serikali kwa Mwaka wa Fedha 2018/2019.

IV. KAMATI YA MIPANGO:

(Majadiliano yanaendelea)

**DODOMA
13 NOVEMBA, 2017**

**S.N. KAGAIGAI
KATIBU WA BUNGE**